

食日神文
庚戌破

六煞

應應應

應應應

會日神文
庚戌破

食止破

日神文
月神文

經書靈符
如本末事

手清之靈符
救大清大靈五皇土
帝救靈符



斗靈符 符簡易神妙無雙
鬼神不致近 凡可以原真保者
且火且天 月斗救北炁

應應應

會日神文
庚戌破

五皇土靈符
入鬼神神

符形



請符教呪

乘魁逆罡烈火龍光上天下地滅滅不祥敢
有拒逆化作飛煙入地萬丈萬劫不原謹召
符中天將並隨符行並隨符住千犯符命靈
震粉碎火令火令上帝救行流火萬里鬼無

逃形急急如律令

无上玄元三天玉堂大法卷之八



无上玄元三天玉堂大法卷之九 卷十 崑崙七
幽獄追攝品第十一

師曰凡有經劫山魁歷年水怪天魔外道
血食神祇木下五通刑亡惡鬼結集羣黨
依托古祠擅帶稱王輒稱太尉邀求造廟
迎拽社火或姦淫婦女占據樓臺滴血飛
磚見形放火中人惡病急取生魂如此怪
狀痛害非常諸法不能治者吾大教中有
九泉幽獄之法治之凡立獄之法不可輕
易先當受狀次為給符驅治者及行文繳
告示之彼若畏法遁去許其改過自新却
不必拯治也但欲人道安寧而已若妖神
強橫抗拒正法不畏符錄者當行此法治
之
師曰立獄之法先奏聞上帝及北極斗府
聖師等慶差天兵吏下臨某處建立幽獄
收捉鬼賊至夜擇淨室一間用石灰布列
獄穴遂標列曉示文榜符篆先分項發將
吏追攝鬼賊及拘里域監城隍以下神司
並用中刑符禁錮限一時收捉鬼賊次誦


收鬼呪巡行獄中每一獄置一燈明日早起法師焚香行持如前仍看踪跡更須發符催捉未盡邪黨至夜行持又復如前至此每遇夜間或聞考掠之聲宜加畏敬如一二日後踪跡未見及是天魔外道挾妖作孽須更啓奏帝師催促將吏自然見矣七日之後然後罷獄其間妖鬼果不可恕至滅形者又當別建太玄煞鬼壇

建九泉獄式

師曰九泉者北都羅酆幽泉惡獄也事係天庭不可輕行故酆都為天下鬼神之府專檢制魔妖之權行今宣威莫大於此凡獄有九一曰酆泉號令之獄二曰重泉斬讎之獄三曰黃泉追鬼之獄四曰寒泉毒害之獄五曰陰泉寒夜之獄六曰幽泉熬伐之獄七曰下泉長夜之獄八曰苦泉屠戮之獄九曰溟泉考焚之獄凡九獄各有所主第一獄主攝天魔第二獄主攝不職典祠第三獄主攝山魃精魅第四獄主攝江湖水怪第五獄主攝血食邪神第六獄

主攝山林木客第七獄主攝古墓伏尸第八獄主攝師巫淫鬼第九獄主攝刑七橫死凡獄前列斗燈徑闊一尺二寸牽置二尺四寸前列九獄每獄前懸追鬼符內懸重刑符獄門懸一竹竿長三尺掛追鬼榜總門掛塞鬼路符逐日三時上香行持向曉看跡即知是何鬼也輕則禁鎖重則三塗重役太重者滅跡除形如法



塞鬼符符名塞鬼路符能制伏百邪攝攝萬魔平居鎮宅萬邪不誤書之



第一符





第二中刑符



第三下刑符用符三道北帝故書之以一懸獄中以一懸死

平時亦可領它鬼神不敢
正視視之者自來轉鎖矣




太玄煞鬼壇

師曰凡建太玄煞鬼壇者上天極刑也制
伏飛天走地一切魔神妖怪滅滅山林廟
杜威顯神此非真犯吾教法者不可輕
行建壇之法合用淨沙畫壇三級上闊一
丈中闊二丈下闊三丈或屋隘以意裁用
之上級列帝師四聖中級於天門外列諸
將天門前列殺鬼將吏四圍布神符四角
皆立門自乾位為始一曰辟尸湯非之炁
天將降召之門二曰溟津虛澄之炁三曰
正一驅邪之門四曰始青陽明之炁五曰

絕鬼斷妖之炁混仙入聖之門六曰赤明
洞陽之炁七曰長生鎮靜之炁生靈出入
之門八曰剛正嚴明之炁天門置香案召
降天將地戶不通往來鬼路常閉惟入門
通行路下級周匝布列兵馬早晚焚符明
法一二日而罷其鬼自滅或聞號泣之聲
或有新血于壇皆其驗也此法非大段強
邪羣魔有形之怪諸法難治者方可行此

壇式



師曰五行成器之鬼山川附麗之神不假
人魂物自成性置造之物日時苟靈則隨
時有怪故能出入變化假托形影害人害
世有甚於鬼之為祟故太上獨立此法治
之凡建煞鬼壇每日以符焚鬼門上日凡


三次皆誦天蓬呪嘆之三日之內大有報
應此乃北極親臨事體甚重初非小小符
法之比非是極妖大魔切不可建此壇恐
重貽譴罰謹謹戒之

北帝誅山石精魁符



此符制山精石精千年碑碣石佛石人石
獸石龜石龍之怪黑紙黑書付見怪人焚
于怪處或精怪見作人形通交婦女誘引
男女者即以此符伺其來而焚之


北帝誅木精符



此符制樹精木客千年松柏鬼皂英樹神


木像木獸枯木空樹依附為靈用梓栢簡
朱書此符釘之其樹即槁死或見作形相
害民即以黃紙書符焚之必然轟雷不復
為怪矣

北帝誅五金怪符



此符治金銀銅鐵之怪應千年銅佛銅像
鑄造之日適逢時日凶邪則真靈不降妖
孽附之以鐵券朱書此符密埋神像之下
則鬼靈遁散不復為怪不以其像遇毀矣

北帝誅水怪符



此符治一切水怪應江海湖濼潭元溪源

井洞之中多有蛟蜃蛇鱗兼有孽龍其狀
不一皆能興風作浪損人舟船壞人性命
又或托形現相交通婦女生人者並以此
符焚之其怪自殞絕矣用鐵札投水中黃
紙書符焚之

北帝治猿猴鬼怪符



此符制一切猿猴獼猴狐狸野犴等鬼及
貓犬伏尸牛馬金骸等怪通謂之魍其怪
不一凡患者有此怪諸治不能者法用青
紙朱書佩帶鎮貼焚燬其怪自絕

北帝誅血食強邪符



此符治一切血食邪廟先賢古人祠宇假

名占祭之神及樓臺園圃廢宅空堂之中
強邪惡鬼結萃黨伍或久占名勝奪人居
止或急取生魂或通淫婦女入夢歌宴武
降附妖言希求造廟或求妖祭作過不一
當以梓木朱書此符釘之次以一遺付被

崇之家釘中堂則妖自息矣此六符主治
一凡書符時存己為天運發用時亦然凡
除給符付人戶及釘鎮外凡每日三時散
鬼壇上逐一燒之鋪天運呪若欲斬鬼將
符就鬼門上剪作二片其性自死有大報
應或空中號泣或壇
上有血皆其驗也

无上玄元三天玉堂大法卷之九